

MALAYSIA
DEWAN NEGARA
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI ISNIN, 16 JULAI 2012, PUKUL 10.00 PAGI

Bil. 16

PERTANYAAN-PERTANYAAN BAGI JAWAB LISAN

1. PN-1252-L15154
Datuk Kadzim M. Yahya minta **MENTERI BELIA DAN SUKAN** menyatakan adakah Kementerian mengkaji kaedah memberi insentif dan imbuhan kepada ahli sukan negara yang telah memenangi pertandingan antarabangsa atas sebab kaedah sekarang sebagai 'counter' produktif di mana terkecuali Datuk Lee Chong Wei dan Datuk Nicol David, ahli-ahli sukan atau pasukan yang telah diberi insentif dan imbuhan oleh Kerajaan setelah memenangi kejohanan antarabangsa telah gagal mengekalkan atau meningkatkan prestasi kejayaan mereka, malah ada yang prestasi terus merudum.
2. PN-1252-L14896
Dato' Nalla K. S. minta **MENTERI PENGAJIAN TINGGI** menyatakan adakah pihak Kementerian PTPTN bercadang untuk memansuhkan caj 1% kepada peminjam di mana kebanyakannya daripada para peminjam terasa ia amat membebankan dan jika ia akan dimansuhkan, bilakah pihak Kerajaan bercadang untuk melakukannya.
3. PN-1252-L15299
Datuk Maijol bin Mahap minta **MENTERI PERTANIAN DAN INDUSTRI ASAS TANI** menyatakan apakah dasar terkini Kementerian terhadap penggalakkan perniagaan sarang burung di negara ini dan adakah Kementerian melihat bahawa perniagaan ini mempunyai pasaran yang berterusan dengan harga yang stabil.
4. PN-1252-L15128
Dr. Syed Husin Ali minta **MENTERI KEWANGAN** menyatakan situasi kewangan negara sehingga suku kedua tahun ini berserta dengan laporan-laporan statistik dan rancangan-rancangan yang akan dilakukan untuk menjana pertumbuhan ekonomi negara.

5. PN-1252-L15179
Dato' Boon Som a/l Inong minta **PERDANA MENTERI** menyatakan apakah langkah-langkah yang akan diambil oleh Kerajaan bagi memulihkan imej perkhidmatan awam di negara ini, terutama perkhidmatan bas dan teksi yang uzur, daif serta kotor kerana ia boleh menjelaskan imej negara pada mata pelancong serta hasrat untuk menjadikan Malaysia negara maju berpendapatan tinggi. Apakah tindakan yang telah diambil terhadap pemandu di ibu kota yang sengaja tidak mahu menggunakan meter sewaktu membawa penumpang.
6. PN-1252-L14822
Dato' Syed Ibrahim bin Kader minta **MENTERI PENGANGKUTAN** menyatakan Kerajaan telah meluluskan untuk pembinaan KLIA 2 berhampiran dengan KLIA dan LCCT. Apakah tujuan Kerajaan membina terminal ini dan apakah kelebihan kepada penumpang serta syarikat penerbangan hasil pembinaan terminal KLIA 2 ini.
7. PN-1252-L15109
Dato' Muhammad Olian b Abdullah minta **PERDANA MENTERI** menyatakan cabaran dan kejayaan Pelan Transformasi, terutamanya dalam meningkatkan pendapatan rakyat dan mengurangkan tekanan kenaikan kos sara hidup.
8. PN-1252-L14798
Datuk Chin Su Phin minta **MENTERI LUAR NEGERI** menyatakan berapa ramaikah rakyat Malaysia yang masih berada di dalam tahanan dan dihukum di luar negara, apakah jenayah yang telah dilakukan, dan apakah usaha Kerajaan dalam membawa mereka pulang untuk dibicarakan di negara kita.
9. PN-1252-L14910
Puan Norliza binti Abdul Rahim minta **MENTERI PERTANIAN DAN INDUSTRI ASAS TANI** menyatakan apakah langkah-langkah Kerajaan untuk memastikan negara tidak menghadapi masalah kekurangan bekalan ikan seperti yang dilaporkan dalam *Food and Agriculture Organization (FAO)*.
10. PN-1252-L15348
Tuan Saiful Izham bin Ramli minta **MENTERI PENERANGAN, KOMUNIKASI DAN KEBUDAYAAN** menyatakan tentang cadangan untuk membenarkan parti-parti bukan Barisan Nasional memperkenalkan manifesto Pilihan Raya masing-masing semasa Pilihan Raya Umum ke 13 akan datang serta garis panduan yang akan ditetapkan oleh pihak Kementerian bagi merealisasikan cadangan tersebut.
11. PN-1252-L15165
Puan S. Bagiam a/p Ayem Perumal minta **MENTERI PEMBANGUNAN WANITA, KELUARGA DAN MASYARAKAT** menyatakan apakah keistimewaan khas yang diberikan oleh Kementerian kepada golongan ibu tunggal yang bekerja dengan pendapatan yang kurang serta menyara anak yang masih di bangku sekolah.

12. PN-1252-L14764
Tuan Haji Abdul Shukor bin Mohd Sultan minta **MENTERI PERDAGANGAN ANTARABANGSA DAN INDUSTRI** menyatakan adakah Kementerian bercadang menumpukan kepada industri berasaskan mesin dan elektronik (M&E) yang semakin berkembang pesat di peringkat antarabangsa.
13. PN-1252-L15120
Dato' Abdul Rahim bin Abdul Rahman minta **MENTERI SUMBER ASLI DAN ALAM SEKITAR** menyatakan sejauh manakah keberkesanannya pembinaan terowong SMART pada tahun 2003 dalam mengurangkan masalah banjir di Kuala Lumpur.
14. PN-1252-L14926
Tuan Baharudin bin Abu Bakar minta **MENTERI PENERANGAN, KOMUNIKASI DAN KEBUDAYAAN** menyatakan tentang tindakan syarikat televisyen swasta yang terlalu banyak menyajikan program-program berbentuk hiburan dan tidak menyumbang atau memberi manfaat kepada penonton. Apakah perlu ada satu peraturan baru untuk menyeimbangkan program berbentuk hiburan dengan program-program lain yang boleh memberi manfaat kepada penonton.
15. PN-1252-L15059
Puan Hajah Mariany binti Mohammad Yit minta **MENTERI PENGANGKUTAN** menyatakan penjelasan yang lebih terperinci bagaimanakah perjalanan konsesi perkhidmatan penguatkuasaan yang akan dilaksanakan dalam Sistem Penguatkuasaan Automatik (AES) daripada segi struktur kompaun dan sistem kewangan serta caj yang dikenakan oleh syarikat konsesi, apakah kaedah dan mekanisme yang jelas pengguna jalan raya merayu tentang pertikaian kesalahan apabila rakaman kesalahan melanggar lampu merah disebabkan arahan polis trafik yang mengawal atau pemberian laluan kepada ambulan atau kereta polis.
16. PN-1252-L14786
Tuan Haji Ahamat @ Ahamad bin Yusop minta **MENTERI PERDAGANGAN ANTARABANGSA DAN INDUSTRI** menyatakan kesan ke atas persekitaran perdagangan dan ekonomi negara hasil laporan oleh Forum Ekonomi Dunia (WEF) baru-baru ini yang meletakkan Malaysia di kedudukan ke-24 daripada 132 negara dari segi tahap daya saing dalam perdagangan global.
17. PN-1252-L14997
Dr. S. Ramakrishnan minta **MENTERI PERTANIAN DAN INDUSTRI ASAS TANI** menyatakan statistik terkini penternak lembu mengikut kaum di seluruh negara dan kenapa ramai penternak lembu kaum India tidak mendapat bantuan daripada Jabatan Perkhidmatan Veterinar.
18. PN-1252-L15036
Tuan Pau Chiong Ung minta **MENTERI SUMBER MANUSIA** menyatakan adakah pihak Kementerian melalui Jabatan Tenaga Kerja Sarawak berhasrat untuk mengkaji semula jumlah tenaga kerja asing warga Indonesia bagi sektor perladangan yang mana kelulusan yang diberikan terlalu sedikit dan ini menjuruskan pengusaha mengambil tenaga asing tanpa izin.

19. PN-1252-L15086
Puan Hajah Rohani binti Abdullah minta **MENTERI KERJA RAYA** menyatakan adakah Kementerian bercadang untuk menaik taraf jalan daripada Chukai-Kemaman ke Cherating daripada satu lorong kepada dua lorong memandangkan peningkatan kenderaan yang menggunakan jalan ini kerana wujudnya Lebuh Raya Pantai Timur (LPT).
20. PN-1252-L14747
Datuk Chiw Tiang Chai minta **MENTERI PELAJARAN** menyatakan sama ada garis panduan terkini berkaitan penyediaan makanan di kantin-kantin sekolah masih relevan serta mampu membendung masalah penyakit obesiti dan diabetes yang semakin meningkat di kalangan rakyat termasuk golongan belia dan pelajar sekolah.
21. PN-1252-L14863
Tuan Chiew Lian Keng minta **MENTERI PERUMAHAN DAN KERAJAAN TEMPATAN** menyatakan berapakah jumlah peruntukan pembangunan kampung-kampung baru antara tahun 2008 sehingga sekarang dan senarai kampung-kampung yang memperoleh peruntukan tersebut.
22. PN-1252-L14816
Dato' Syed Ibrahim bin Kader minta **MENTERI PELAJARAN** menyatakan YAB. Perdana Menteri ada mengumumkan bahawa sebanyak 1500 tempat disediakan untuk pelajar India bagi melanjutkan pelajaran ke kolej matrikulasi. Berapakah bilangan pelajar India Muslim yang ditawarkan melanjutkan pelajaran ke kolej matrikulasi dalam pengambilan Mei 2012 ini.
23. PN-1252-L15239
Datuk Hj Saat bin Hj Abu minta **MENTERI PERTANIAN DAN INDUSTRI ASAS TANI** menyatakan untuk mempertingkatkan pendapatan tambahan bagi petani-petani tradisional di seluruh negara supaya petani-petani ini boleh menjadi petani moden yang berpendapatan tinggi.
24. PN-1252-L15104
Tuan Subramaniam a/l Veruthasalam minta **MENTERI DALAM NEGERI** menyatakan jika ada apa-apa rancangan untuk Polis Diraja Malaysia membentuk satu pasukan khas di bawah Bukit Aman untuk menyiasat kes-kes rompakan yang melibatkan pengurup wang, kerana kes-kes melibatkan golongan ini makin berleluasa.
25. PN-1252-L14869
Dato' Jaspal Singh minta **MENTERI PENERANGAN, KOMUNIKASI DAN KEBUDAYAAN** menyatakan apabila berlakunya gangguan perkhidmatan seperti jalur lebar atau ASTRO berlaku disebabkan masalah teknikal daripada pihak pembekal perkhidmatan, adakah pelanggan tetap diwajibkan membuat bayaran bagi tempoh tangguh perkhidmatan. Pihak mana rakyat boleh menghubungi untuk membuat laporan jika mereka diwajibkan membuat pembayaran bagi tempoh tangguh ini.

26. PN-1252-L15261

Datuk Paul Kong Sing Chu minta **MENTERI PENGAJIAN TINGGI** menyatakan butiran mengenai semua IPTA dan IPTS yang kini beroperasi di Malaysia, kemasukan pelajar mereka, dan bilangan yang tidak lagi aktif. Nyatakan bilangan pelajar asing yang kini belajar di Malaysia, dan negara asal mereka. Bilangan pelajar asing yang telah ditangkap dan bilangan yang telah disabitkan dengan kesalahan jenayah. Nyatakan juga butiran jenayah yang telah dilakukan, dan apakah tindakan Kerajaan bagi menghalang pelajar-pelajar 'bermasalah' daripada diterima masuk ke IPTA dan IPTS di negara ini.

27. PN-1252-L15305

Datuk Raja Ropiaah binti Raja Abdullah minta **MENTERI PERUMAHAN DAN KERAJAAN TEMPATAN** menyatakan masihkah berleluasa setinggan di negara ini. Berikan pecahan kawasan, negeri dan jumlah keluarga yang terlibat dan apakah pelan tindakan Kementerian untuk Malaysia menjadi negara sifar setinggan.

28. PN-1252-L14939

Dato' Lim Nget Yoon minta **MENTERI PENGAJIAN TINGGI** menyatakan pelajar-pelajar universiti tempatan diberi baucar untuk membeli buku-buku. Adakah Kermenterian mencadang untuk memberi baucar ataupun wang kepada pelajar-pelajar di luar negara.

29. PN-1252-L14839

Tuan Haji Muhamad Yusof bin Husin minta **MENTERI KESIHATAN** menyatakan sejauh manakah tindakan bersama Jabatan Alam Sekitar (JAS) dan Jabatan Pengangkutan Jalan mengenai kajian pakar Pertubuhan Kesihatan Sedunia (WHO) mendapati pelepasan gas karbon monoksida daripada penggunaan diesel boleh menyebabkan barah paru-paru dan barah hempedu.

30. PN-1252-L15010

Dato' Haji Abdul Rahman bin Bakar minta **MENTERI PELAJARAN** menyatakan apakah langkah-langkah yang sedang diambil oleh Kementerian untuk meneruskan usaha menaik taraf bangunan sekolah seperti kuarters guru, asrama, tandas, bilik darjah dan dewan IT di semua sekolah luar bandar di Malaysia. Berapakah peruntukan kewangan yang disediakan Kerajaan di bawah RMK-10 untuk tujuan ini.

31. PN-1252-L15099

Tuan Subramiam a/l Veruthasalam minta **MENTERI KERJA RAYA** menyatakan mengapa gerai-gerai di Kawasan Rehat & Rawat (R&R) di sepanjang Lebuhraya Utara Selatan dan lebuhraya lain di negara ini kurang menyediakan makanan kaum Cina dan India, sejajar dengan prinsip 1Malaysia.

32. PN-1252-L15016

Dato' Haji Abdul Rahman bin Bakar minta **PERDANA MENTERI** menyatakan jumlah nilai (RM) dan peratus ekuiti mengikut warganegara/kaum pada 10 tahun lalu dan apakah usaha untuk meningkatkan ekuiti kaum Bumiputera dalam meneladani dunia ekonomi yang mencabar.

33. PN-1252-L15196
Puan Chew Lee Giok minta **MENTERI SUMBER MANUSIA** menyatakan perkembangan pelaksanaan umur bersara swasta yang dilanjutkan hingga 60 tahun.
34. PN-1252-L15335
Puan Roslin binti Haji Abdul Rahman minta **MENTERI KERJA RAYA** menyatakan selain dari memberi bantuan bimbingan, membuat jaringan dan pendedahan latihan, adakah juga Kementerian menyediakan inisiatif mendapatkan Dana bagi membantu peruncit bahan binaan Bumiputera yang rata-ratanya baru dan mempunyai masalah modal. Jika ada, apakah inisiatif yang dibuat, dan berapa banyak dana yang diperlukan.
35. PN-1252-L14833
Tuan Haji Muhamad Yusof bin Husin minta **PERDANA MENTERI** menyatakan 21 projek baru NKEA yang diumumkan baru-baru ini dan sejauh manakah projek tersebut mampu melonjak Pendapatan Negara Kasar (GNI) menjelang tahun 2020.
36. PN-1252-L15285
Datuk Raja Ropiaah binti Raja Abdullah minta **MENTERI PERUMAHAN DAN KERAJAAN TEMPATAN** menyatakan di manakah kedudukan tahap kebersihan (*hygiene and cleanliness*) negara sekarang. Apakah komitmen Kementerian dan langkah-langkah serta undang-undang yang mestilah dilaksana dan digubalkan untuk menentukan tahap kebersihan negara di dalam semua aspek dan bidang seperti di tempat awam, bangunan-bangunan, tandas, gerai, restoran, tasik, taman permainan dan lain-lain termasuk kualiti air dan udara terjamin dan rakyat membudayakan tahap kebersihan yang tinggi bagi diri dan persekitarannya.
37. PN-1252-L14792
Datuk Chin Su Phin minta **MENTERI KEWANGAN** menyatakan adakah Kerajaan bersetuju sekiranya dengan cara menaikkan RPGT sebanyak 75 peratus ,dapat mengekang kenaikan harga rumah di Malaysia dan apakah langkah-langkah terbaru Kementerian dalam mengekang harga rumah daripada terus meningkat.
38. PN-1252-L15232
Dato' Mohammed Najeeb bin Abdullah minta **PERDANA MENTERI** menyatakan apakah Kerajaan bercadang menstrukturkan semula sistem subsidi bahan bakar untuk industri penjanaan tenaga yang mana Petronas telah menanggung sehingga RM160 bilion sejak tahun 1997. Subsidi yang berterusan akan menyebabkan keadaan pasaran yang tidak efisien dan tidak berdaya saing.
39. PN-1252-L15047
Tuan Mohd. Khalid bin Ahmad minta **MENTERI PELAJARAN** menyatakan apakah perkembangan terkini berkenaan kajian yang dilakukan oleh Jawatankuasa Khas dalam mengatasi masalah beban tugas berlebihan guru dan apakah saranan dan tindakan bagi mengatasi masalah yang telah berlanjutan ini.

40. PN-1252-L14845

Tuan Haji Muhamad Yusof bin Husin minta **MENTERI KESIHATAN** menyatakan nisbah doktor-populasi pada masa sekarang dan apakah usaha-usaha yang praktikal bagi mencapai nisbah doktor-populasi 1:600 sebagaimana yang ditetapkan oleh Pertubuhan Kesihatan Sedunia (WHO).

41. PN-1252-L14933

Tuan Lee Cheam Choon minta **MENTERI PELAJARAN** menyatakan kekurangan guru di Sekolah Jenis Kebangsaan Cina dan Tamil memang wujud dan menjadi modal untuk pihak pembangkang terus mengecam sistem pentadbiran pihak Kerajaan. Mengapakah pihak Kementerian tidak mengambil langkah positif untuk mengatasi masalah ini atau adakah pihak Kementerian memang tidak mengambil berat akan hal berkenaan.

42. PN-1252-L15140

Dr. Syed Husin Ali minta **MENTERI KERJA RAYA** menyatakan secara statistik berapakah jumlah yang masih perlu diselesaikan oleh Kerajaan kepada syarikat konsesi tol di Batu Tiga berikutan keputusan memansuhkan tol di Batu Tiga pada 2018.

43. PN-1252-L15041

Tuan Mohd. Khalid bin Ahmad minta **MENTERI KEWANGAN** menyatakan adakah benar sekarang terdapat sindiket yang terdiri daripada pegawai bank, jurulelong dan *reveiver* yang berpakat untuk menjual dengan harga yang amat murah aset yang telah dicagar kepada bank dan peminjam gagal menjelaskan pinjaman bank.

44. PN-1252-L14985

Dr. S. Ramakrishnan minta **MENTERI PELAJARAN** menyatakan:-

- (a) statistik pengambilan pelajar yang mengikuti program matrikulasi di seluruh negara bagi tempoh 5 tahun lepas mengikut kaum dan termasuk juga Orang Asli; dan
- (b) statistik kursus atau program pengajian yang ditawarkan mengikut kaum untuk pengambilan sesi 2012.

45. PN-1252-L14961

Tuan Khoo Soo Seang minta **MENTERI PERTANIAN DAN INDUSTRI ASAS TANI** menyatakan kesan-kesan negatif atau positif perubahan cuaca (*climate change*) terhadap hasil-hasil utama pertanian negara kita.

46. PN-1252-L14991

Dr. S. Ramakrishnan minta **MENTERI PENGAJIAN TINGGI** menyatakan mengapa Kementerian tidak mengiktiraf Sijil Peperiksaan Bersatu (UEC) untuk kemasukan ke IPTA sedangkan kelulusan atau sijil peperiksaan pelajar asing yang belajar di negara kita (seperti A-Level, International Baccalaureate Diploma (IBD), dan lain-lain) diiktiraf, malah sijil UEC ini juga diiktiraf oleh banyak negara di seluruh dunia.

47. PN-1252-L14955
Tuan Khoo Soo Seang minta **MENTERI DALAM NEGERI** menyatakan pendirian Kerajaan ke atas kanak-kanak tanpa kewarganegaraan dan apakah usaha yang boleh dilakukan untuk melindungi kanak-kanak ini daripada pencabulan hak asasi oleh pihak yang tidak bertanggungjawab.
48. PN-1252-L14753
Datuk Chiw Tiang Chai minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan apakah tindakan yang layak diambil bagi menangani aktiviti segelintir pengurus koperasi yang gagal melunaskan pembayaran kepada para pembekal.
49. PN-1252-L14769
Tuan Haji Abdul Shukor bin Mohd Sultan minta **MENTERI PERDAGANGAN ANTARABANGSA DAN INDUSTRI** menyatakan apakah kedudukan projek pembangunan Halal Hub di Padang Besar, Perlis.
50. PN-1252-L15243
Datuk Hj Saat bin Hj Abu minta **MENTERI PENGAJIAN TINGGI** menyatakan supaya memastikan pas-pas pelajar untuk kemasukan pusat-pusat pengajian tinggi tidak disalahgunakan untuk masuk ke negara ini, yang digunakan untuk ke tempat lain terutamanya bekerja di kelab-kelab malam, pelajar-pelajar ini kebanyakannya datang dari negara China. Ini akan memburukkan imej negara. Apakah langkah-langkah Kementerian untuk menyekat kebanjiran mereka.
51. PN-1252-L14880
Puan Hajah Noriah binti Mahat minta **MENTERI PEMBANGUNAN WANITA, KELUARGA DAN MASYARAKAT** menyatakan jumlah bapa tunggal di seluruh negara dan program-program yang disediakan bagi memperkasakan peranan mereka dalam pembangunan keluarga dan masyarakat.
52. PN-1252-L15114
Dato' Muhammad Olian b Abdullah minta **MENTERI DALAM NEGERI** menyatakan berapakah jumlah tahanan Pendatang Asing Tanpa Izin (PATI) setelah program pemutihan sehingga kini dan berikan pecahan mengikut warganegara dan jantina dan apakah tindakan susulan Kerajaan dalam memastikan negara kita bebas daripada PATI.
53. PN-1252-L15022
Dato' Haji Abdul Rahman bin Bakar minta **MENTERI KEMAJUAN LUAR BANDAR DAN WILAYAH** menyatakan:-
- (a) jumlah pekebun kecil getah di seluruh negara yang mendapat manfaat menerusi pelbagai skim yang dilaksanakan oleh RISDA dan FELCRA sejak tahun 2000; dan
 - (b) apakah program pembangunan tanaman getah yang dilaksanakan setakat ini memenuhi piawaian antarabangsa. Jika ya, model daripada negara mana telah diguna pakai.

54. PN-1252-L15341
Puan Roslin binti Haji Abdul Rahman minta **MENTERI PELANCONGAN** menyatakan apakah Kementerian mempunyai program untuk memperkayakan aktiviti dan produk pelancongan yang berbeza atau unik berbanding apa yang ditawarkan oleh negara jiran. Jika ada, apakah produk kontemporari ada mendapat tempat atau lebih memperkayakan produk tradisional.
55. PN-1252-L15255
Datuk Paul Kong Sing Chu minta **MENTERI LUAR NEGERI** menyatakan butir-butir tentang jumlah rakyat Malaysia yang telah berhijrah ke luar negara dari tahun 1990 hingga 2011, pecahan mengikut jumlah setiap tahun dan sepuluh negara utama yang menjadi tumpuan penghijrahan mereka.
56. PN-1252-L15220
Dato' Dr. Firdaus bin Haji Abdullah minta **MENTERI PELAJARAN** menyatakan kenapa setelah 55 tahun Malaysia merdeka masih terdapat hampir 500 kampung baru di Semenanjung yang majoriti penduduknya masih tidak dapat berbahasa kebangsaan. Apakah langkah-langkah konkret untuk mengatasi kegagalan berbahasa kebangsaan di kalangan sebilangan besar warga negara.
57. PN-1252-L15187
Puan Chew Lee Giok minta **MENTERI DALAM NEGERI** menyatakan dari tahun 2011-2012, berapakah kes keganasan rumah tangga yang dilaporkan kepada polis, dan menyenaraikan kes mengikut kategori seperti keganasan terhadap isteri, keganasan terhadap ibu bapa dan keganasan terhadap anak.
58. PN-1252-L14887
Puan Hajah Noriah binti Mahat minta **MENTERI KESIHATAN** menyatakan apakah langkah-langkah yang diambil oleh Kementerian dalam memastikan matlamat seorang doktor kepada 597 pesakit pada tahun 2015 dan dalam masa yang sama kualiti dan profesionalisme para doktor ini dijaga.
59. PN-1252-L15056
Tuan Mohd. Khalid bin Ahmad minta **MENTERI KEWANGAN** menyatakan:-
(a) penggabungan antara Malaysian Airlines (MAS) dengan AirAsia telah gagal dan apakah punca sebenarnya MAS seringkali mengalami kerugian; dan
(b) apakah faktor-faktor yang telah menyebabkan AirAsia telah mencatatkan keuntungan.
60. PN-1252-L14917
Tuan Baharudin bin Abu Bakar minta **MENTERI DALAM NEGERI** menyatakan sehingga kini berapakah jumlah sebenar rakyat negara ini yang ditahan atau dipenjara akibat pembabitan sebagai keldai dadah dan apakah tindakan Kerajaan dalam menangani gejala ini.

61. PN-1252-L15267
Datuk Haji Yunus bin Haji Kurus minta **MENTERI KEWANGAN** menyatakan perancangan pelan pemuliharan MAS dalam usaha membendung kerugian berterusan disebabkan faktor peningkatan bahan api akhir-akhir ini.
62. PN-1252-L15316
Puan Hajah Dayang Madinah binti Tun Abang Haji Openg minta **PERDANA MENTERI** menyatakan nisbah golongan wanita yang telah diisyiharkan muflis di seluruh negara dan senaraikan bidang yang melibatkan kes muflis mereka.
63. PN-1252-L14804
Datuk Chin Su Phin minta **MENTERI KESIHATAN** menyatakan adakah Kementerian bersetuju sekiranya ujian saringan kesihatan secara berkala haruslah diwajibkan bagi semua rakyat Malaysia bagi menyedarkan mereka betapa seriusnya penyakit tidak berjangkit (NCD) yang meningkat sepanjang tahun di negara kita ini.
64. PN-1252-L15231
Dato' Mohammed Najeeb bin Abdullah minta **MENTERI DALAM NEGERI** menyatakan apakah rancangan Kerajaan untuk mengisi keperluan tenaga kerja di sektor pengawal keselamatan yang menghadapi kekurangan sekarang ini. Apakah tindakan Kerajaan terhadap syarikat perkhidmatan keselamatan yang menggaji pekerja asing selain daripada rakyat Nepal.
65. PN-1252-L14860
Dato' Jaspal Singh minta **MENTERI PELAJARAN** menyatakan sistem modular STPM yang akan berkuat kuasa mulai tahun ini dan cara penilaian mata pelajaran yang akan dilaksanakan. Berapa ramaikah pelajar yang telah berdaftar untuk mengikuti STPM pada tahun 2012 dan jumlah sekolah yang mengajarkan STPM di seluruh negara serta bilangan guru-guru sedia ada bagi mengajarkan mata pelajaran STPM.
66. PN-1252-L15085
Puan Hajah Rohani binti Abdullah minta **MENTERI PERTAHANAN** menyatakan bilangan kem Program Latihan Khidmat Negara (PLKN) yang sedia ada dan nyatakan langkah-langkah Kementerian bagi membolehkan aktiviti air terus dijalankan dan dalam masa yang sama dapat mengelakkan risiko jangkitan virus kencing tikus atau *Leptospirosis* yang didapati daripada air kolam semula jadi.
67. PN-1252-L15156
Dato' Boon Som a/l Inong minta **MENTERI PERUMAHAN DAN KERAJAAN TEMPATAN** menyatakan bilangan pusat-pusat hiburan, kafe siber serta pusat perjudian yang diluluskan oleh Kerajaan Tempatan mengikut pecahan negeri, dalam tempoh lima tahun sejak tahun 2008.
68. PN-1252-L14780
Tuan Haji Ahamat @ Ahamad bin Yusop minta **MENTERI DALAM NEGERI** menyatakan langkah-langkah Kementerian bagi membendung kemasukan karya dan buku yang berbaur liberalisme yang berselindung di sebalik nama Islam yang boleh menimbulkan kecelaruan di kalangan masyarakat Islam hari ini.

69. PN-1252-L15249
Datuk Paul Kong Sing Chu minta **MENTERI PENGANGKUTAN** menyatakan bilakah dasar kabotaj dapat dihapuskan untuk mencapai hasrat Satu Negara Satu Harga yang diidamkan oleh rakyat negeri Sabah dan Sarawak.
70. PN-1252-L15033
Tuan Pau Chiong Ung minta **MENTERI PENGAJIAN TINGGI** menyatakan adakah betul terdapat polisi yang tidak membenarkan pemilik kad pengenalan hijau untuk melanjutkan pengajian IPTA tempatan.
71. PN-1252-L14934
Dato' Lim Nget Yoon minta **MENTERI KESIHATAN** menyatakan jika Kementerian memberi biasiswa kepada pegawai-pegawai perubatan untuk menyambung pelajaran di dalam atau di luar negeri. Jika ada, bagaimanakah tawaran ini disampaikan kepada pegawai-pegawai berkenaan.
72. PN-1252-L14949
Tuan Khoo Soo Seang minta **MENTERI PEMBANGUNAN WANITA, KELUARGA DAN MASYARAKAT** menyatakan sebab-sebab masalah pengasuh kanak-kanak semakin serius. Kita sentiasa membaca berita tentang kecuaian pengasuh, menyebabkan kecederaan dan kematian bayi yang berada di bawah jagaan mereka. Adakah Kementerian akan mengadakan program-program latihan untuk melatih pengasuh agar mereka boleh menjadi seorang pengasuh bayi yang profesional. Adakah rancangan oleh pihak Kementerian untuk mempertimbangkan untuk mengeluarkan lesen pihak pengasuh.
73. PN-1252-L14758
Tuan Haji Abdul Shukor bin Mohd Sultan minta **PERDANA MENTERI** menyatakan:-
 - (a) jumlah pelaburan yang disalurkan di Perlis di bawah NCER; dan
 - (b) senarai rakan kongsi daripada syarikat tempatan dari Perlis serta industri yang diceburi.
74. PN-1252-L14903
Tuan Syed Shahir bin Syed Mohamud minta **MENTERI SUMBER MANUSIA** menyatakan adakah Kementerian sedar bahawa proses undi sulit yang diamalkan sekarang bagi maksud mendapatkan pengiktirafan daripada majikan merugi dan menafikan hak pekerja untuk berunding dan bernegosiasi dengan majikannya seperti termaktub dalam Akta Perhubungan Perusahaan 1967.
75. PN-1252-L15354
Tuan Saiful Izham bin Ramli minta **PERDANA MENTERI** menyatakan bahawa sejak Unit Peneraju Agenda Bumiputera (TERAJU) dibentuk pada tahun 2009 lalu, berapakah jumlah yang sudah dibelanjakan bagi memastikan perancangan strategik yang telah dirangka dapat dilaksanakan serta berapakah penerima bantuan daripada jumlah yang sudah dibelanjakan itu bagi peningkatan partisipasi yang ketara masyarakat Bumiputera negara ini dalam arus pembangunan ekonomi negara.

76. PN-1252-L15066
Puan Hajah Mariany binti Mohammad Yit minta **MENTERI BELIA DAN SUKAN** menyatakan bagaimanakah belia-belia yang berada di luar bandar dapat dijuruskan untuk menyertai Program-program Kementerian dengan lebih banyak dan tersusun agar masalah sosial seperti merempit, berpeleseran, dan penagih darah dapat dielakkan dan dapat memastikan belia-belia kita memenuhi aspirasi negara untuk menjadikan belia yang mempunyai modal insan yang berkualiti tinggi.
77. PN-1252-L15173
Dato' Boon Som a/l Inong minta **PERDANA MENTERI** menyatakan apakah langkah-langkah yang telah diambil bagi menghadapi kemungkinan laman web-laman web Kerajaan diserang penggodam seperti yang dialami pertengahan tahun lalu. Adakah Kerajaan mengenal pasti pihak yang terbabit dalam kegiatan menggodam laman web Kerajaan pada tahun lalu dan apakah tindakan yang telah diambil terhadap mereka. Adakah rakyat Malaysia turut terbabit dalam kegiatan seperti itu.
78. PN-1252-L14978
Dato' Dr. Johari bin Mat minta **MENTERI DALAM NEGERI** menyatakan sehingga kini berapakah jumlah penagih dadah di Malaysia mengikut jantina dan berapa pula kos rawatan setiap hari bagi setiap orang apabila mereka dimasukkan di pusat pemulihan. Ini adalah memandangkan sejak akhir-akhir ini penagih dadah di kalangan wanita semakin meningkat dan keadaan ini sangat membimbangkan.
79. PN-1252-L14972
Dato' Dr. Johari bin Mat minta **MENTERI LUAR NEGERI** menyatakan apakah bentuk kerjasama antara Kerajaan dengan negara-negara Asia lain bagi menjamin keselamatan serantau dan merangka hala tuju Asia masa depan memandangkan negara-negara Asia semakin maju setanding negara-negara Eropah yang lain.
80. PN-1252-L14810
Dato' Syed Ibrahim bin Kader minta **PERDANA MENTERI** menyatakan Kerajaan ada memberi perlindungan kepada pelarian seperti dari Sri Lanka dan Myanmar yang memohon untuk menetap sementara di Malaysia melalui UNHCR. Akan tetapi golongan ini dilihat bergelandangan di ibu kota dengan tidur di kaki lima memandangkan tiada tempat tinggal dan sumber pendapatan. Apakah tindakan Kerajaan dalam menangani masalah ini.
81. PN-1252-L15134
Dr. Syed Husin Ali minta **MENTERI PENGAJIAN TINGGI** menyatakan tentang situasi berkaitan sekatan pinjaman PTPTN yang membabitkan pelajar-pelajar UNISEL dan KUIS dan mengapa sekatan tersebut hanya dikenakan kepada dua IPT di negeri Selangor sahaja.

82. PN-1252-L15214

Dato' Dr. Firdaus bin Haji Abdullah minta **MENTERI DALAM NEGERI** menyatakan maklumat dan statistik terkini berkenaan kes-kes penderaan oleh majikan Malaysia ke atas pembantu-pembantu rumah warga asing. Berapakah kes yang telah dikenal pasti, yang telah dan sedang dibicarakan. Bilangan pesalah-pesalah yang telah dihukum dan bentuk hukuman yang paling berat. Kes-kes yang menunggu perbicaraan.

83. PN-1252-L15273

Datuk Haji Yunus bin Haji Kurus minta **MENTERI PENGANGKUTAN** menyatakan apakah langkah-langkah Kementerian untuk mengatasi masalah kemalangan kebakaran kereta yang kerap berlaku akhir-akhir ini.

84. PN-1252-L15171

Puan S. Bagiam a/p Ayem Perumal minta **PERDANA MENTERI** menyatakan berapakah jumlah warganegara mengikut umur dan bangsa yang kini terdiri daripada golongan bankrap dan apakah usaha-usaha Kerajaan dalam memastikan jumlah ini sentiasa dikawal agar ia tidak menjaskan kedudukan ekonomi tempatan.

ATURAN URUSAN MESYUARAT DAN USUL-USUL

1. (D.R. 19/2012) Rang Undang-undang Kualiti Alam Sekeliling (Pindaan) 2012 – **menyambung semula perbahasa atas masalah “Bawaha Rang Undang-undang ini dibacakan kali yang kedua sekarang” (12 Julai 2012)**

[Menteri Sumber Asli dan Alam Sekitar]

2. (D.R. 26/2012) Rang Undang-undang Umur Persaraan Minimum 2012 **Bacaan Kali Yang Kedua**

[Menteri Sumber Manusia]

3. (D.R. 29/2012) Rang Undang-undang Pengangkutan Jalan (Pindaan) 2012 “

[Menteri Pengangkutan]

4. (D.R. 28/2012) Rang Undang-undang Francais (Pindaan) 2012 “

[Menteri Perdagangan Dalam Negeri, Koperasi dan Kepenggunaan]

5. PN-1252-U15026
Dato' Haji Abdul Rahman bin Bakar akan mencadangkan:-

"Bawaha Dewan ini mendesak Kerajaan supaya mengambil pendekatan yang sesuai agar ajaran anutan Syiah tidak menular dan merebak di kalangan orang-orang Islam di negara kita kerana ada fakta menyebut terdapat 200 juta pengikut Syiah di seluruh dunia. Di negara kita, anutan Syiah sedang berkembang. Tanpa mengambil suatu tindakan yang cekap dan berkesan oleh pihak Jabatan Perdana Menteri melalui JAKIM, penyebaran ajaran ini akan menyebabkan umat Islam negara kita yang mengamalkan ajaran Sunnah Waljamaah akan terpesong. Justeru, apakah usaha yang dilakukan JAKIM memadai selama ini dari segi penguatkuasaannya. Jika ya, nyatakan usaha berkenaan. Jika tidak, apakah Kerajaan merasakan perkara ini di dalam pemantauan dan tidak memudaratkan ummah Islam di Malaysia."

[Menteri di Jabatan Perdana Menteri]

6. PN-1252-U15027
Dato' Haji Abdul Rahman bin Bakar akan mencadangkan:-

"Bawaha Dewan ini menyarankan agar Kerajaan melaksanakan BR1M II seeloknya pada sebelum tahun baharu 2013 sebagai persiapan kepada persekolahan anak-anak dan sambutan tahun baru.

Ini adalah usaha mapan Kerajaan ke arah membela nasib golongan yang berpendapatan kurang daripada RM3000 sebulan. Sesungguhnya, BR1M I telah memberi imbuhan langsung kepada golongan masyarakat berpendapatan rendah dan rata-rata rakyat cukup berterima kasih kepada Kerajaan. Melihat kepada kesan daripada BR1M I, jika sesuai dan mempunyai kedudukan kewangan yang kukuh, adalah wajar BR1M II diberikan pada tahun ini atau awal tahun depan. Setelah BR1M I dilaksanakan, apakah tidak ada kesan kepada ekonomi negara sedangkan seluruh dunia sedang menghadapi kemelesetan ekonomi terutamanya di Amerika Syarikat dan beberapa Negara EU."

[Menteri Kewangan]

7. PN-1252-U15028

Dato' Haji Abdul Rahman bin Bakar akan mencadangkan:-

"Bahawa Dewan ini mendesak pihak-pihak berwajib supaya meneliti dan mengambil tindakan sewajarnya ke atas kebanjiran pelarian dari Myanmar yang mungkin lama kelamaan akan menyekat hak rakyat yang sah dan menjelaskan hubungan baik antara Negara. Bukan suatu rahsia lagi bahawa ramai orang-orang Islam yang terbunuh dan menjadi pelarian di Myanmar akibat pemerintahan junta sejak berpuluhan tahun lalu. Tidak kurang 1,500 orang Islam telah berhijrah ke negara-negara jiran termasuk Malaysia. Mereka hidup merempat dan tidak sempurna dan ada yang menjadi peminta sedekah demi untuk sesuap nasi. Ada juga yang bekerja dengan syarikat-syarikat swasta mengikut minat dan kemahiran masing-masing. Persoalannya, apakah tindakan pihak Kerajaan terhadap masalah ini kerana jika tidak dibendung akibatnya lama-kelamaan kita terpaksa pula melayan mereka sebagai warga negara kerana ada di kalangan mereka yang berkahwin dengan penduduk setempat. Selain itu, kita juga terpaksa bertimbang rasa terhadap anak-anak mereka yang dahagakan pelajaran. Kita terpaksa memberi ruang yang adil kepada anak-anak mereka kerana aspek pelajaran, kesihatan, agama dan perlindungan adalah sesuatu yang universal. Justeru, saya memohon pihak-pihak berwajib supaya meneliti dan mengambil tindakan sewajarnya agar ianya tidak menjelaskan hubungan baik antara negara dan di masa sama tidak menjelaskan peluang rakyat tempatan yang sah dan yang hak."

[Menteri di Jabatan Perdana Menteri]

8. PN-1252-U15004

Dr. S. Ramakrishnan akan mencadangkan:-

"Bahawa Dewan ini mendesak agar pihak Kerajaan menggubal Undang-undang Kebebasan Maklumat bagi membolehkan rakyat Malaysia menikmati hak untuk mendapatkan maklumat selaras dengan kehendak prinsip-prinsip demokrasi.

Hak rakyat untuk mendapatkan maklumat adalah penting bagi membolehkan rakyat untuk memeriksa dan membendung penyalahgunaan kuasa oleh kakitangan Kerajaan dalam hal-hal pentadbiran Kerajaan terutamanya keputusan-keputusan Kerajaan yang mempunyai implikasi secara langsung dan tidak langsung terhadap rakyat jelata. Oleh itu saya mengambil kesempatan melalui mesyuarat Dewan Negara ini untuk menampilkkan usul penggubalan undang-undang bagi tujuan membolehkan rakyat Malaysia untuk mengambil bahagian dalam pentadbiran dan hal-hal Kerajaan terutamanya dalam proses membuat keputusan-keputusan sejajar dengan prinsip demokrasi (*participatory democracy*) dan kepentingan awam (*public interest*). Rakyat Malaysia mengalu-alukan satu Kerajaan yang telus dan bertanggung jawab maka penggubalan undang-undang ini adalah mustahak. Undang-undang ini akan membenarkan akses kepada dokumen-dokumen sesebuah agensi Kerajaan dan dokumen-dokumen rasmi Kementerian Kerajaan. Maka disarankan supaya Kerajaan mengambil serius penggubalan undang-undang ini dan mengambil segala langkah-langkah untuk merealisasikan undang-undang ini di Malaysia yang mana undang-undang begini telah pun di perkenalkan di negara-negara Komanwel yang lain.

[Menteri di Jabatan Perdana Menteri]

9. PN-1252-U15005

Dr. S. Ramakrishnan akan mencadangkan:-

"Bahawa Dewan ini mendesak agar pihak Kerajaan prihatin dan memandang serius terhadap penyalahgunaan minuman alkohol dan minuman keras di kalangan masyarakat kita, terutama di kalangan remaja bermula dari usia 16 tahun yang amat dibimbangi ia akan membawa padah kepada masa depan negara jika kita tidak mengambil tindakan yang sewajarnya secepat mungkin. Oleh itu, saya mengambil kesempatan melalui mesyuarat Dewan Negara ini untuk menampilkkan usul penggubalan undang-undang untuk menangani penyalahgunaan alkohol dan minuman keras di kalangan masyarakat kita dengan mengambil langkah-langkah berikut:-

- (i) Mengubah dan meningkatkan umur seseorang untuk membeli minuman keras dan alkohol secara sah dari segi undang-undang dari 18 tahun ke 21 tahun. Hukuman berat dan denda yang maksimum juga harus dikenakan terhadap sesiapa sahaja yang di bawah umur 21 tahun jika mereka didapati membeli minuman alkohol dan minuman keras.
- (ii) Memperkenalkan sistem lesen baru yang mengawal waktu penjualan alkohol dan minuman keras. Contohnya seperti mengehadkan waktu penjualan dari 11.00 pagi sehingga pukul 9.00 malam.
- (iii) Mempunyai undang-undang untuk menangani masalah-masalah pengambilan minuman-minuman keras dan alkohol di tempat awam dan menjadikan pengambilan minuman ini di tempat awam sebagai satu jenayah di mana boleh ditangkap dan didakwa di bawah kanun undang-undang.

- (iv) Memperketatkan lagi kanun undang-undang yang mengawal penjualan alkohol dan minuman keras oleh peniaga-peniaga kepada remaja dan juga pelajar-pelajar di bawah umur. Contohnya, apabila mana-mana peniaga menjual alkohol dan minuman keras kepada pelajar-pelajar dan remaja di bawah umur, lesen kedai peniaga itu haruslah ditarik dan dibatalkan dan mengenakan denda yang maksimum terhadap peniaga tersebut.
- (v) Memperkenalkan undang-undang baru untuk pendaftaran dan mengawal penjualan minuman-minuman keras buatan tempatan. Contohnya seperti samsu dan ia mendapat sambutan baik di kalangan masyarakat berpendapatan rendah, terutamanya di kalangan masyarakat India yang tinggal di estet, kerana harga minuman ini adalah sangat murah dan mudah didapati di kawasan pedalaman secara haram.
- (vi) Menubuhkan satu pusat pencegahan, penyelidikan, dan pemulihian alkohol Malaysia seperti di Amerika Syarikat dan Australia untuk mengadakan penyelidikan dari semasa ke semasa."

[Menteri Perumahan dan Kerajaan Tempatan]

RISALAT-RISALAT YANG DIBAWA KE DALAM MESYUARAT
(DEWAN NEGARA)

<u>TAHUN 2012</u>	<u>RISALAT/DOKUMEN</u>	<u>TARIKH DIBENTANGKAN</u>
ST.44	Laporan Tahunan dan Penyata Kewangan Kumpulan Wang Persaraan (Diperbadankan) Bagi Tahun 2011	16 Julai 2012
CMD.6	Laporan Tahunan Suruhanjaya Perkhidmatan Awam Malaysia Bagi Tahun 2011	16 Julai 2012

UCAPAN PENANGGUHAN

BIL.	TARIKH UCAPAN	AHLI YANG BERUCAP	TAJUK UCAPAN	MENTERI YANG BERTANGGUNGJAWAB
1.	16.7.2012 (Isnin)	Sen. Tuan Syed Shahir bin Syed Mohamud	Kontraktor Tenaga Kerja	Menteri Sumber Manusia
2.	16.7.2012 (Isnin)	Sen. Tuan Saiful Izham bin Ramli	Pengurusan dan Perbelanjaan Perolehan Petronas	Menteri Kewangan